



JABATAN PERDANA MENTERI
JABATAN PERKHIDMATAN AWAM

GARIS PANDUAN PERTANDINGAN HORIZON BAHARU KUMPULAN INOVATIF DAN KREATIF (KIK) JABATAN PERKHIDMATAN AWAM TAHUN 2026

1.0 TUJUAN

Garis panduan ini bertujuan untuk menerangkan kepada semua pegawai Jabatan Perkhidmatan Awam (JPA) mengenai objektif, bidang dan kategori pertandingan, syarat penyertaan dan format dokumentasi projek bagi Pertandingan Horizon Baharu Kumpulan Inovatif dan Kreatif (KIK) JPA Tahun 2026.

2.0 PENGENALAN

Pertandingan Horizon Baharu KIK JPA dilaksanakan berdasarkan Pekeliling Transformasi Pentadbiran Awam Bilangan 1 Tahun 2016: Panduan Pembudayaan dan Pemerkasaan Inovasi Dalam Sektor Awam Melalui Horizon Baharu KIK. Pertandingan ini merupakan sebahagian daripada aktiviti utama di bawah Program Kualiti dan Inovasi Tahunan JPA. Pertandingan Horizon Baharu KIK JPA dilaksanakan sebagai salah satu usaha untuk menggalakkan warga melaksanakan inovasi dan mencari ruang penambahbaikan terhadap proses kerja dan perkhidmatan yang diberikan oleh JPA.

3.0 OBJEKTIF

Objektif Horizon Baharu KIK JPA adalah untuk:

- i. Melahirkan warga JPA yang berfikiran kreatif dan berinovatif;
- ii. Menggalakkan penambahbaikan dan meningkatkan penghasilan sistem penyampaian perkhidmatan JPA yang berkualiti dan menepati kehendak pelanggan;
- iii. Menghasilkan sistem dan cara kerja baharu serta menjaga kecemerlangan organisasi melalui pendekatan kreativiti, inovasi dan penciptaan nilai (*value creation*); dan

- iv. Memupuk kerjasama dalam kalangan warga organisasi dan mengeratkan perhubungan di antara pekerja dengan pihak pengurusan.

4.0 BIDANG DAN KATEGORI PERTANDINGAN

Bidang dan Kategori Horizon Baharu KIK JPA adalah berdasarkan Pekeliling Kemajuan Transformasi Pentadbiran Awam Bil. 1 Tahun 2016, Panduan Pembudayaan Dan Pemerkasaan Inovasi Dalam Sektor Awam Melalui Horizon Baharu KIK.

- i. **Inovasi melalui konteks Horizon Baharu KIK terbahagi kepada dua (2) bidang inovasi iaitu:**

- a. **Inovasi Sosial**

Bidang inovasi sosial merangkumi kaedah penyelesaian baharu (idea, model dan perkhidmatan) yang mampu memenuhi kepentingan sosial dengan lebih berkesan dan mengutamakan penglibatan rakyat. Fokus pelaksanaan inovasi sosial tidak hanya kepada pencapaian impak sosial semata-mata, malah memberikan penekanan kepada proses penglibatan rakyat dalam membangunkan sesuatu inovasi.

- b. **Inovasi Penyampaian Perkhidmatan**

Inovasi penyampaian perkhidmatan merupakan terjemahan idea baharu yang kreatif dan inovatif untuk mentransformasikan penyampaian perkhidmatan Kerajaan. Inovasi ini bermatlamat meningkatkan produktiviti, kecekapan dan keberkesanan penyampaian perkhidmatan ke arah penyampaian perkhidmatan yang bersepadu dan lancar serta meningkatkan kepuasan hati pelanggan. Ciri-ciri utama inovasi penyampaian perkhidmatan adalah seperti yang berikut:

- i. Memberi impak ketara dan positif kepada pelanggan;
 - ii. Meningkatkan kecekapan dan mengoptimumkan kos dalam menangani kekangan sumber kewangan dan sumber manusia;
 - iii. Memperkenalkan pendekatan penyampaian perkhidmatan baharu atau memantapkan kaedah semasa yang kurang berkesan; dan
 - iv. Memanfaatkan teknologi terkini.

- ii. **Projek KIK boleh dikelaskan kepada dua (2) kategori inovasi setelah pemilihan bidang inovasi seperti yang berikut:**

- a. **Inovasi Penciptaan**

- Penciptaan sesuatu produk, perkhidmatan atau proses yang baharu dan belum pernah dilaksanakan di Malaysia.

- b. **Inovasi Penambahbaikan**

- Penambahbaikan sesuatu produk, perkhidmatan atau proses sedia ada melalui kaedah yang inovatif agar menjadi lebih berkualiti serta berdaya saing.

5.0 SYARAT PENYERTAAN PERTANDINGAN HORIZON BAHARU KIK

- i. Penyertaan adalah dibuka kepada kumpulan KIK dalam kalangan warga JPA dan INTAN;
- ii. Minimum bilangan ahli adalah dua (2) orang dan maksimum adalah sepuluh (10) orang termasuk ketua kumpulan. Ahli kumpulan boleh dibentuk dari bahagian yang sama atau gabungan dua (2) bahagian atau lebih;
- iii. Projek KIK yang dihasilkan hendaklah tidak melebihi dua (2) tahun dari tarikh ia diperkenalkan;
- iv. Projek hendaklah belum pernah dipersembahkan oleh kumpulan dalam mana-mana pertandingan KIK pada tahun-tahun sebelumnya. Projek kumpulan mestilah telah selesai dilaksanakan sebelum Pertandingan KIK pada tahun semasa; dan
- v. Penetapan bidang dan kategori inovasi adalah berdasarkan jenis projek KIK yang dilaksanakan; dan
- vi. Projek KIK hendaklah diterajui dan dihasilkan sendiri oleh Bahagian secara *in-house*.

6.0 TAKWIM PERANCANGAN PERTANDINGAN HORIZON BAHARU KIK JPA 2026

Bil.	Perkara	Tarikh
1.	Pendaftaran penyertaan	4 Mei - 10 Jun 2026
2.	Bengkel Pengenalan dan Penyediaan Laporan Pertandingan Horizon Baharu KIK dan Anugerah Inovasi JPA Tahun	18 - 19 Jun 2026
3.	Bengkel Pemantapan Laporan dan Persembahan Pertandingan Horizon Baharu KIK dan Anugerah Inovasi JPA	3 - 4 Ogos 2026
4.	Penghantaran Laporan	1 September 2026
5.	Pertandingan Horizon Baharu KIK JPA	22 September 2026
6.	Penyampaian Hadiah Pertandingan Horizon Baharu KIK JPA	November 2026

7.0 PENDAFTARAN PENYERTAAN

- Borang penyertaan boleh dimuat turun melalui pautan [Borang Pertandingan Horizon Baharu KIK JPA 2026](#).
- Borang yang telah **lengkap diisi berserta pengesahan Ketua Jabatan** dalam format pdf (berwarna) perlu dimuat naik ke pautan [Penyertaan Pertandingan Horizon Baharu KIK JPA 2026](#) **selewat-lewatnya pada 10 Jun 2026**.

8.0 FORMAT DOKUMENTASI PROJEK

- Format dokumentasi projek adalah seperti di **Lampiran A**.
- Laporan projek dan slaid pembentangan hendaklah dikemukakan kepada Sekretariat Inovasi JPA melalui emel sekretariat.inovasi@jpa.gov.my **sebelum atau pada 1 September 2026**.

9.0 KRITERIA PENILAIAN DAN WAJARAN PEMARKAHAN

Kriteria penilaian dan wajaran pemarkahan pertandingan Horizon Baharu KIK JPA 2026 adalah seperti di **Lampiran B**.

8.0 MAKLUMAT PERHUBUNGAN

Pertanyaan lanjut berhubung Pertandingan Idea Inovasi JPA boleh dikemukakan kepada Sekretariat Inovasi JPA melalui:

Telefon : 03-8885 3036/ 3137/ 3132/ 3122

Emel : sekretariat.inovasi@jpa.gov.my

**FORMAT DOKUMENTASI DAN PEMBENTANGAN PROJEK
PERTANDINGAN HORIZON BAHARU KUMPULAN INOVATIF DAN KREATIF
JABATAN PERKHIDMATAN AWAM TAHUN 2026**

1.0 Ringkasan Eksekutif (300 – 500 patah perkataan/ 1 muka surat)

Ringkasan Eksekutif perlu ditulis dengan ringkas (bahasa yang mudah difahami) dan padat berdasarkan penulisan penuh dokumentasi projek, pernyataan masalah atau subjek serta nyatakan solusi atau pencapaian dengan penjelasan keberhasilan (*outcome*) serta impak projek. Penggunaan grafik, hujah beserta maklumat yang ringkas dan tajuk kecil bagi menyusun tema ringkasan boleh digunakan bagi memudahkan kefahaman.

2.0 Perincian Projek (3,000 – 5,000 patah perkataan/ 10 hingga 15 muka surat)

Perincian projek berserta pembuktian disediakan berdasarkan kriteria seperti berikut:

i. Latar belakang kumpulan;

ii. Signifikan pemilihan projek;

- Kaitan dengan fungsi utama jabatan
- Memenuhi kehendak pelanggan dan *stakeholder*
- Kaitan dengan agenda nasional
- Kaitan dengan keadaan dan ekosistem semasa
- Kaedah pemilihan projek dan analisis:
 - Pembuktian melalui analisis (bagi tujuan penyelesaian)
 - Gunakan *tools* sebagai pemudah untuk kumpulan memilih projek
- Penyataan sasaran *outcome* dan impak
- Menepati lima (5) kriteria projek KIK iaitu:

Kriteria	Butiran
Kreatif dan inovatif	Idea baharu yang kreatif diterjemahkan melalui penghasilan projek berinovatif yang memberi

Kriteria	Butiran
	manfaat kepada organisasi dan pelanggan.
Impak positif yang tinggi dan menyeluruh	Organisasi: meningkatkan kecekapan dan keberkesanan penyampaian perkhidmatan. Pelanggan: menepati standard perkhidmatan dan memenuhi harapan pelanggan. Rakyat: memastikan keperluan sosial rakyat dipenuhi.
Pulangan nilai terbaik	Penjimatan kos melalui pengoptimuman penggunaan sumber. Penjanaan atau peningkatan pendapatan.
Replikasi	Projek berpotensi diadaptasi secara terus atau diubah suai mengikut keperluan agensi.
Pengkomersialan	Penciptaan dan penyampaian nilai baharu kepada pelanggan di pasaran. Projek juga berupaya bersaing di pasaran serta mampu menjana pendapatan.

iii. Tindakan penyelesaian;

- Penerangan mengenai strategi dan proses penyelesaian
 - Strategi pelaksanaan termasuk aplikasi penggunaan *tools*
 - Penghasilan, penyataan output dan pelaksanaan projek
 - Tempoh penghasilan projek
- Perakuan daripada pihak bertauliah/ berkuasa
- Pembuktian melalui perolehan data

iv. Impak projek;

- Pencapaian *outcome*
- Faedah sampingan
- Pembuktian melalui data dan sumber rasmi

v. Keberhasilan projek (*outcome*);

- Penilaian impak
- Faedah sampingan

- Pembuktian melalui data dan sumber rasmi

vi. Potensi pengembangan projek;

- Tahap kemajuan ketersediaan teknologi/ sistem/ proses
- Tahap replikasi atau pengkomersialan

vii. Lampiran.

3.0 Format Dokumen

- Dokumen hendaklah disediakan dalam **Bahasa Melayu**;
- Dokumen disediakan dengan menggunakan **font Arial**, saiz huruf yang digunakan adalah **12 poin**, **selang baris (line spacing) 1.15** dan teks ditaip **santak kiri dan kanan (justified)**;
- Dokumen hendaklah mempunyai **senarai kandungan** dan **bilangan mukasurat**; dan
- Bilangan maksimum muka surat** bagi **Ringkasan Eksekutif (1 muka surat)**, **Perincian Projek (15 muka surat)** dan **Lampiran (30 muka surat)**.

4.0 Format Pembentangan

- Peserta diberikan fleksibiliti untuk memilih kaedah penyampaian yang paling **kreatif, menarik dan efektif**, namun wajib memastikan pengisian pembentangan berupaya menonjolkan nilai impak, nilai untuk wang, pendigitalan dan kemampanan inovasi tersebut secara komprehensif kepada panel penilai.
- Pembentangan adalah **termasuk sebarang video dan gimik** persembahan.
- Setiap pembentangan diberi **tempoh 40 minit** merangkumi penyampaian bahan pembentangan dan sesi soal jawab seperti berikut:
 - Pembentangan – 20 minit
 - Soal jawab – 20 minit

**KRITERIA PENILAIAN DAN WAJARAN PROJEK
PERTANDINGAN HORIZON BAHARU KUMPULAN INOVATIF DAN KREATIF
JABATAN PERKHIDMATAN AWAM TAHUN 2026**

1.0 Kriteria Penilaian

Item	Kriteria Pemilihan	Sub Kriteria		Wajaran
1	Latar belakang kumpulan & penglibatan pihak pengurusan [4 markah]	a.	Maklumat kumpulan (borang penyertaan) & sokongan serta kelulusan pihak pengurusan tertinggi jabatan	4
2	Signifikan Pemilihan projek [10 markah]	a.	Kaitan dengan fungsi utama jabatan/ organisasi	1
		b.	Memenuhi kehendak pelanggan dan pemegang taruh (<i>stakeholder</i>)	2
		c.	Sejajar dengan agenda dan matlamat nasional	2
		d.	Kaitan dengan keadaan dan ekosistem semasa	2
		e.	Kaedah pemilihan projek dan analisis	2
		f.	Penyataan sasaran outcome dan impak	1
3	Tindakan penyelesaian [23 markah]	a.	Strategi penyelesaian kreatif termasuk aplikasi penggunaan tools	8
		b.	Penghasilan dan pengujian prototaip	8
		c.	Perakuan daripada pihak bertauliah/ pihak berkuasa	3
		d.	Pelaksanaan inovasi	4
4	Keberhasilan Projek			
	4.1 Outcome projek [35 markah]	a.	Pencapaian <i>outcome</i> dan pembuktian	25
		b.	Faedah sampingan (luar jangka)	10
	4.2 Impak projek [18 markah]	a.	Penilaian impak dan pembuktian	14
		b.	Faedah sampingan (luar jangka)	4

Item	Kriteria Pemilihan	Sub Kriteria		Wajaran
5	Potensi Pengembangan Inovasi [10 markah]	a.	Tahap ketersediaan teknologi/ sistem/ proses	4
		b.	Tahap replikasi atau pengkomersialan	6
Jumlah				100

2.0 Wajaran Pemarkahan

Bil.	Perkara	Wajaran (%)
1.	Dokumen laporan	80
2.	Pembentangan/ Persembahan	20
	JUMLAH	100